



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

An remuneratio fidelium, & damnatio infidelium sit æqualis. tit. 171

urn:nbn:de:hbz:466:1-29452

AN REMUNERATIO FIDELIUM, & damnatio infidelium sit æqualis.

TITVLVS CLXXI.

Rimò notandum, quòd sit duplex merces & meritum, promissum & promeritum præmium. Coram Deo nullum est promeritum præmium. Nam etiã cum omnia fecerimus, Deus nobis nihil debet, Luc. 17. Ideò quicquid nobis donat Deus, hoc est gratia & promissum præmium: coram hominibus autem est promeritum præmium, Roman. 4. Ei qui operatur, merces non imputatur secundum gratiam, sed secundum debitum Iac. 4. Ecce merces operationum, qui messuerunt regiones vestras, &c. Leui. 19. & Job 4. loquitur scriptura de illa mercede erga proximum, sed de promissa mercede, Matt. 19. 16. & 25. Ioã. 5. Quoties ergo de mercede & merito loquitur scriptura, hoc de promisso, id est, mercede vel præmio intelligendum, non de operato & effectiuo nostro merito coram Deo, aut, quòd nobis Deus ex debito obligatur.

Secundò, loquitur scriptura de æquali & communi remuneratione omnium credentium, & æquali damnatione infidelium & malorum. Subindè de speciali promissa remuneratione secundum opera & labores nostros, & speciali pœna & damnatione malorum: & sic dicuntur essentialia præmia seu pœna essentialis, aut accidentale præmium, aut pœna secundum gratiam operum.

Dicuntur autè primò communes seu essentialis remunerationes, quæ ex æquo omnibus distribuuntur fidelibus, vt qui credunt in Christum, quæ fides facit filios Dei, Ioan. 1. illi ex æquo apprehendunt Christi bona, id est, remissionem peccatorum in Baptismo, Spiritum S. absolutionem, satisfactionem Christi. Summa,

ma, omnia quæ offert & docet Euangelium, & uitam æternam: non enim alius alio melius accipit sacramentum & absolutionem, neque plus aut minus de gratia. Nō plus Cæsar quàm rusticus, vir quàm mulier, vt sicut omnes vnum sumus fide, Galat. 3. ita æqualis distributio. & hæc est communio sanctorum, seu participatio bonorum Christi, quæ apprehenduntur & distribuuntur æqualiter propter personam Christi credenti, & non propter nostra opera.

Sic est etiam essentialis seu communis poena omnium infidelium, malorum & damnatorum ex æquo, vt ira Dei æterna, Ioann. 3. carentia visionis diuinæ æterna, damnatio sine fine, potestas sathanæ, maledictio, ignis æternus, frigus, tenebræ, fletus & stridor dentium, Matth. 8. 13. 22. 24. 25. Luc. 13. Sic est essentialis damnatio omnium malorum, & ex æquo illa habent, id est, iram, tenebras, priuationem lucis &c. Hæc sunt vel communia bona & remunerationes piorum aut poenæ malorum, quæ ex æquo omnibus in delictibus & malis contingunt. Subiuncta est specialis remuneratio bonorum operum, quæ pii & fideles faciunt ex fide ad laudem & gloriam Dei, ultra ipsam fidem, quæ apprehendit Christi merita, aut quæ totum propter suam personam conferuntur. Et talis remuneratio non ex æquo distribuitur, sed secundum gradus laborum, vt qui etiam habuit officium, quod in fide exercuit, id est, prædicauit, rexit rempublicam, aut dedit eleemosynas, multum orauit, ieiunauit, &c. In talibus operibus sicut se vnus plus altero exhibuit diligentior, ita & præmium accidentale erit, 1. Cor. 15. Differt stella a stella in claritate & magnitudine. & 1. Corint. 3. Vnusquisque mercedem accipiet secundum suum laborem. Matth. 16. Reddet vnique iuxta opera sua. Hic mansiones multe sunt, Ioan. 14. Sic martyres, confessores &c. præcedit in accidentali præmio simplices. Hæc accidentalia præ-

nia donatur ex gratia propter nostra opera & studia in fide facta. Essentialia verò distribuuntur propter solam personam Christi & opera illius, quæ ipse solus fecit, id est, quòd passus sit pro salute nostra, Roman. & sic fidelis habet duo ingentia præmia: essentialia, id est, Christi, quæ fides apprehendit per sacramenta: accidentalia, quæ ex promissione Deus distribuit nostris operibus, &c. ex gratia. Sic quoquè est specialis pœna damnatorum, secundùm gradus malitiæ & peccatorum ultra communem damnationem & priuationem visionis diuinæ, &c. Nam in iudicio reddet vnique secundùm opera sua, i. iuxta multitudinem & magnitudinem. Sic dæmones ultra hoc quòd sunt damnati, habebunt specialia tormēta pro suis tribulationibus & seductionibus & tentationibus, quibus Christianos turbârunt. & Tyranni, qui ultra hoc quòd sunt increduli & damnati, etiam habebunt suas pœnas secundùm gradus malitiæ suæ, qua S. Martyres aut Christianos occiderunt & persecuti sunt, vt Domitianus, Nero, &c. Sic Hæretici ultra hoc quòd propter malitiam propriam habent damnationem, etiam habent gradus pœnarum, secundùm quòd innumeros seduxerunt hæresi sua, & pleraque mala, effusionem sanguinis, bella, odia excitârunt. & sic dicit Augustinus, quòd Arrij pœna nondum est decreta aut definita.

Ex his liquet, quomodò remuneratio piorum & damnatio malorum est æqualis, & non æqualis, & quomodò fides in Christum, ex æquo apprehendat Christi & essentialia bona, & quomodò nostra opera ex fide facta, habent promissam remunerationem propter Christum ex gratia. Nihil ergò adimitur gloriæ Christi, vbiquè est gratia & promissio. Sic etiam de pœnis malorum est, &c.

Notandum quòd hoc nomen, meritum, capitur dupliciter. Primò pro opere, quòd ex sua natura & ex seipso

seipso æquale est præmio, & sic nullum est opus nostrum ex se tale, quod exequari possit æternæ gloriæ. Excedit hoc facultatem naturæ humanæ, vt Lyra. per illud Tit. 3. Secundum misericordiam nos saluos fecit. Rom. 8. Non sunt condignæ passiones, &c. Alio modo accipitur meritum pro opere ex pacto quodâ & promissione, aut libera voluntate & gratia, vbi præmium multum excedit meritum. Sic promittit Deus gratuita liberalitate vitam æternâ bona facientibus, Ioan. quinto. & Matt. 3. si non adesset talis promissio, nullum esset præmium. Oritur ergo promissio ex Dei misericordia, & non ex nostris operatis operibus, Roman. 6. Gratia Dei vita &c.

QUID EST MERITUM.

TITVLVS CLXXII.

Primò, merita sunt dona Spirituality & corporalia, quæ solus Christus vnica sua morte meruit apud patrē. Spirituality dona sunt, remissio peccatorum, habere Spiritum sanctū cum donis suis & virtutibus, Gal. 5. vitam æternam. Nam semel intravit in sancta, & æternam reperit redemptionem.

Secundò, solum vnicū meritum est in Ecclesia, quod meruit à patre omnia dona, & hodiè meretur Spirituality & corporalia: vt sunt panis quotidianus, pax, sanitas, & cæteræ benedictiones, Deu. 28. Omnia propter Christi sanguinē distribuuntur credentibus, non propter nostra singularia opera, nec est singulare meritum, sed ipsa Christi passio distribuitur, id est, causa est, propter quam omnia nobis dona corporalia & Spirituality distribuuntur, sicut dicit Ioan. 1. De plenitudine eius accipimus omnes.

Tertiò, fides, Sacramenta, obedientia præceptorum, sunt media, quibus apprehendimus distributionem vnicū meriti Christi, non quibus mereamur singulare,